

## **MBSB BANK MENGHULURKAN SUMBANGAN KEPADA MANGSA BANJIR DI JOHOR**

**PETALING JAYA, 27 Mac 2023** – Prihatin terhadap keadaan mangsa-mangsa banjir di Johor, MBSB Bank Berhad (MBSB Bank) telah menghulurkan sumbangan sebanyak RM100,000 bagi mengurangkan beban mereka.

Sumbangan itu akan diserahkan kepada mangsa banjir di Johor Bahru, Batu Pahat, Segamat, Muar, Tangkak, Kota Tinggi, Mersing, Kluang, Pontian dan Kulai menerusi sebuah badan bukan kerajaan (NGO) Humanitarian Care Malaysia (MyCARE), yang aktif menyediakan bantuan kemanusiaan di Malaysia seperti bantuan bencana banjir, penyediaan perlindungan sementara dan pembinaan semula rumah.

Sumbangan tersebut disampaikan oleh Ketua Pegawai Eksekutif Kumpulan MBSB Bank, Datuk Nor Azam M. Taib pada 23 Mac 2023 kepada Ketua Pegawai Eksekutif MyCARE, Kamarul Zaman Saharul Anwar di sebuah majlis penyerahan di Menara MBSB Bank, PJ Sentral.

Datuk Nor Azam berkata, “Kami memahami bahawa banjir yang melanda bukan sahaja mengakibatkan kemusnahan dan kehilangan harta benda, malah ia turut memberi tekanan perasaan dan trauma kepada mangsa-mangsa yang terlibat.”

“Adalah harapan kami menerusi kerjasama dengan MyCARE yang mempunyai sumber untuk mengenal pasti keluarga yang terkesan, ianya akan dapat membantu meringankan beban mangsa-mangsa banjir dalam melangsungkan kehidupan seharian.”

Dalam pada itu, MBSB Bank juga telah menyumbang 550 paket makanan asas dan kit penjagaan diri melalui program 'Box Of Care' kepada mangsa banjir di Muar, Segamat dan Batu Pahat Johor melalui kolaborasi bersama Food Aid Foundation pada 3,9,10 dan 23 Mac 2023.

Terdahulu, MBSB Bank telah menyalurkan sumbangan makanan asas melalui Program 'Box of Care' kepada 300 orang penduduk di PPR Kota Bharu pada bulan Disember 2022. Manakala pada bulan Januari 2023, sumbangan 'Box of Care' turut disampaikan kepada 150 orang mangsa banjir di daerah-daerah Kota Bharu, Pasir Puteh dan Pasir Mas di negeri Kelantan.

MBSB Bank mengambil berat terhadap pembangunan serta keperluan masyarakat setempat dan komitmen ini dizahirkan menerusi inisiatif tanggungjawab sosial korporat berlandaskan empat teras utama iaitu Komuniti, Pendidikan, Alam Sekitar dan Tempat Kerja.

-Tamat-

Untuk sebarang pertanyaan, sila hubungi:

Nik Surina Suria Nik Abdullah Jabatan Pemasaran dan Komunikasi Strategik Bahagian Strategi Korporat MBSB Bank Berhad E: <a href="mailto:strategiccom@mbsbbank.com">strategiccom@mbsbbank.com</a> T: 013 367 6488	Najihah Sani Jabatan Pemasaran dan Komunikasi Strategik Bahagian Strategi Korporat MBSB Bank Berhad E: <a href="mailto:strategiccom@mbsbbank.com">strategiccom@mbsbbank.com</a> T: 03 7455 5567
---	--

### **Mengenai MBSB Bank**

MBSB Bank Berhad (MBSB Bank) merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit dan korporat. MBSB Bank, melalui keupayaan digitalnya, memperluaskan saluran perkhidmatan secara dalam talian seperti perbankan mudah alih dan cawangan maya. Pada masa yang sama, MBSB Bank menyasarkan untuk membawa impak positif dan mampan kepada ekonomi, komuniti dan alam sekitar dengan mengguna pakai Matlamat Pembangunan Lestari Pertubuhan Bangsa-Bangsa Bersatu (UNSDG) dalam operasinya. Melangkah ke hadapan, MBSB Bank memfokuskan ke arah menjadi institusi kewangan Islam yang matang sepenuhnya menjelang tahun 2025 yang dijenamakan sebagai Journey25 (J25).